

YOUR HOME | YOUR FUTURE
NIAGARA
CANADA

IMMIGRE NANNYAGARA

welcomeniagaracanada.com



VISIT LA

A large, semi-transparent watermark of a woman's face is centered behind the word 'VISIT'. She has dark hair and is smiling broadly, showing her teeth. The background of the entire page is a dark teal color.

Byenveni nan KANADA yon
kominote akeyan e ki bon pou
fanmi, pi bon kote ou ka viv,
travay e etidye.






MWAYÈN PRI
POU REVANN
KAY

MLS \$CDN 2017

NYAGARA SE YOUN NAN **PI BON KOTE** NAN KANADA POU ACHTE BYEN IMOBILEYE **\$388,500**

PI GWO VIL KANADA
KI GEN MWENS TRAFIK



AKSÈ FASIL POU TORONTO AK MOND LAN



AKTIVITE AK ATRAKSYON NAN **YON** DESTINASYON TOURISTIK MONDAL



- Chit Nyagara
- Festival Shaw
- Kazino ak Divètisman an dirèk
- Festival ak Evènman
- Pi bon Gastwonomi

VI AKTIF EKIPE




- 40 teren gòlf
- 30+ teren
- 300+ km teren pou kous bekan

TOP 10 MWENS KRIM NAN ZÒN METROPOLITÈN KANADA YO

PEYIZAJ NATIRÈL POU EKSPLORE E POU PWOFITE

- Falèz Nyagara
- Lak Eri
- Lak Ontario

A+ OPSYON EDIKASYON AK PWOBLEM ENTÈNASYONAL POU ELÈV YO



- 137 lekòl elemantè
- 26 lekòl segondè
- 11 lekòl prive
- Fakilte Nyagara
- Invèsite Brock



WOUT DIVEN NYAGARA

96+ KAV POU
DIVEN K
AP GRANDI



REVOLISYON BYÈ ATIZANAL

13+ BRASRI LOKAL

BONIS

Jewografi inik
Nyagara a kreye yon mikwo-klima ki bay pi bon klima
nan Kanada!

Pifò moun ka fasilman jwenn Chit Nyagara
sou kat jeyografik la, men sa se pa sèl
fason pou jwenn nou. **NYAGARA KANADA**
Byen localize nan Sid Ontario nan mitan
fontyè Toronto ak Etazini.

A large, stylized word 'VISIT' is overlaid on the image. The letters are white with a thin black outline. The 'V' has a yellow vertical bar on its left side. The 'I' has a blue vertical bar on its left side. The 'S' has a pink vertical bar on its left side. The 'T' has a light blue vertical bar on its left side.

VISIT

VIV ISIT LA: KOTE



130 MILYON MOUN NAN
DISTANS 1-JOU NAN
MACHIN
**800 KM
(500 KILOMÈT)**

Nyagara Kanada se pa sèlman chit Nyagara - li se yon rejyon ki fòme ak anpil kominote, tankou vil mwayen, ti vil ak ti bouk.

- 12 minisipalite lokal yo nan Nyagara enkli: Fort Erie, Pelham, Grimsby, Lincoln, Niagara Falls, Niagara-on-the-Lake, Port Colborne, St.Catharines, Thorold, Wainfleet, Welland e West Lincoln
- Rejyon an kouvri yon total 1.852 km^2 tè ak yon popilasyon total 449,098
- Zòn nan gen 3 vil santral: St. Catharines, Niagara Falls ak Welland
- Moniman touristic natirèl yo gen ladan yo Lak Ontario, Lak Erie ak falèz Nyagara yo
- Rejyon an se yon pati nan yon zòn k ap grandi ki gen 2 milyon moun nan yon distans 30 minit nan machin
- Nyagara nan yon distans apeprè 120 kilomèt nan machin oswa transpò publik ak Toronto, pi gwo vil nan Kanada. Pwofite yon bèle vwayaj nan machin oubyen chita epi relax nan tren an pandan sezonye GO tren yo ki gen sèvis chak jou pou ale epi retounen Toronto k ap kòmanse an 2021
- Gen 5 fwontyè entènasyonal pou ale Etazini epi gen 7 èpòt nan yon distans 1 èdtan nan machin ki bay aksè fasil soti nan Nyagara Kanada pou ale nenpòt kote nan mond lan.





VIV ISIT LA: BATILAVI W

JWENN YON KOTE POU VIV

Youn nan premye bagay w'ap bezwen fè lè ou rive nan Nyagara Kanada se jwenn lojman. Jwenn lojman ka pafwa difisil, men Niagara gen anpil opsyon lojman ak pri konpetitif ki tou pre enstalasyon, sèvis kominotè ak kote pou chèche asistans lojman Si ou vle viv nan vil la oswa jis andeyò lavil la, nan yon kay oswa yon apatman, gen anpil opsyon pou ou.

OPÒTINITE POU TRAVAY

Nyagara Kanada se yon bon kote pou jwenn yon travay ki souvan, peye yon salè ki ase pou viv alèz. Pi gwo anplwayè Nyagara yo anjeneral toujou ap chache moun pou travay, e si ou ap chache yon travay, gen anpil kote konpayi yo afiche deskripsyon ak kondisyon pou travay ki disponib nan sektè ki diferan ak travay ki diferan.

KÖMANSE PWÖP BIZNIS OU

Kömanse ak posede yon biznis pi fasil nan Niagara Kijan? Niagara Kanada te klase kòm dezyèm sant ki pi konpetitif nan vil Ontario pou biznis an jeneral – e pi konpetitif pase tout 76 jiridiksyon ameriken ki te nan etid la. Antreprenè yo ap wè gen anpil sipò pou kömanse pwòp biznis ou avèk èd y ap jwenn nan men anpil òganizasyon sipò biznis ki nan Nyagara.

SWEN SANTE AK SEKIRITE

Sèvis Asirans Sante Ontario (OHIP - Ontario Health Insurance Plan) peye pou sèvis medikal de baz yo nan Ontario. Pou jwenn swen sante nan Nyagara se pa mwayen konpayi Niagara Health yon sistèm finansman publik ki gen sis lopital ak anpil lòt enstalasyon medikal.

La Niagara Regional Police Service ap travay pou kenbe residan ak vizitè yo an sekirite. Nyagara Kanada fè pati 10 vil ki gen mwens krim nan zòn metropolitèn Kanada.



VIV ISIT LA: EDIKASYON

SÈVIS POU TIMOUN YO

Paran tibebe ki fenk fèt ak jèn timoun preskolè ka fasilman jwenn Sèvis pou Timoun, ki pèmèt yo travay avèk lapè nan tèt paske pitit yo anba bon siveyans. Ou ka jwenn tou sant EarlyON yo, ki se kote ki akeyan pou paran ak moun kap bay swen yo reyini ak timoun yo pou Rankontre lòt fanmi yo ak pwofesyonèl yo. Lekòl Montessori ak sant gadri ki gen lisans se lòt altènativ pou bay jèn timoun yo pi bon edikasyon ak swen sante.

EDIKASYON PRIMÈ AK SEGONDÈ

Tout timoun nan Ontario oblige ale lekòl jiska laj 18 an oswa jiskaske yo gradye nan yon lekòl segondè. Pou timoun ki gen mwens pase 18 an, genyen kat sistèm lekòl publik ki byen etabli e ki gen bon repitasyon (gratis) ansanm ak anpil lekòl prive endepandan ki bay bon jan edikasyon. Edikasyon Primè ak Segondè pou elèv nan Nyagara yo.

APRÈ EDIKASYON SEGONDÈ

Apre lekòl segondè, elèv yo ka kontinye pou yo konplete edikasyon Aprè Edikasyon Segondè yo swa nan Brock University oubyen Niagara College, tou de ofri pwogram akademik solid, rechèch dènye kri, ak enstalasyon dènye model. Genyen plis pase 15 lòt kolèj ak inivèsite ki tou pre.

* Tanpri sonje, si w pa yon rezidan Kanadyen, epi w'ap planifye pou w etidye nan Nyagara pou plis pase sis mwa, w'ap bezwen yon pèmi etid anvan ou rive.

ETIDYAN ENTÈNASYONAL

Plizyè enstitisyon edikasyon publik, prive ak apre lekòl segondè ofri yon pakèt pwogram pou etidyan entènasional yo avèk yon seri sèvis sipò pou ede w fè tranzisyon pou lavi nan Kanada. Sèvis sa yo ka gen ladan yo:

- Pwogram lang anglè
- Sèvis arive ak oryantasyon elèv entènasional
- Asirans sante
- Klèb ak aktivite kiltirèl
- Yon gran varyete sipò



KONTAKTE CHAK ENSTITISYON POU PLIS
ENFÒMASYON SOU FASON POU APLIKE.



VIV ISIT LA: **BAGAY POU FÈ**

Gen plezi san limit nan Nyagara Kanada Moun nan lokalite yo gen avantaj pou yo rive nan bèl chit yo ak sant peyi diven an. Ou pap bezwen kite lakay ou pou pwofite bèl atraksyon anpil touris konn vinn wè yo.

Lavi nan Nyagara Kanada vle di pwofite yon pè nouvole ak fwomaj lokal nan youn nan anpil kav diven tout pandan wap gade yon bel pyès teyat, jwe golf bò rivyè Nyagara oubyen pandan wap relaks nan yon spa premyè klas, sa vle di kite son chit dlo yo bèle w, emèveye w nan mèvèy naturel sa a ki se chit Nyagara yo, yon Rezèv byosfèr Mondyal UNESCO, oubyen vizite Niagara Parkway pandan wap pwofite pi bèle flannen nan machin ou te ka fè yon jou dimanch.

Nenpòt sezon I ye a, tojou gen aktivite nan Nyagara Kanada W ap ka pwofite anpil jou ansoleye epi w'ap respire bon lè nan zòn nan. Chak mwa gen evènman miltip ki baze sou kominate ak festival.



GWO KOU PITI, GEN ANPIL REZON POU REJWI DÈSKE W AP VIV NAN YOUN NAN DESTINASYON KI PI POPILÈ NAN MOND LAN.



VIV ISIT LA: LWAZIAK AKTIVITE ANPLENNÈ

Kote Nyagara Kanada sitiye a pèmèt li genyen diferan sezon e yo chak pote bon ti van fre pou ka byen pwofite aktivite anplennè yo.

Prentan, ete ak otòn yo se pi bon moman pou jwi tout 300 km teren sante bisiklèt, 48 teren gòlf, 39 zòn konsèvasyon lanati, ak anpil plaj ak ti ma dlo nan Lak Erie ak Lak Ontario. Se moman tou pou fè randone sou Pis Bruce la, ki se sante ki pi long nan Kanada, epi eksplorè mèvèy natirèl Falèz Nyagara a. Nan sezon fredi a, eseye espò nasyonal nou an, Hockey sou glas, oswa aprann monte paten nan youn nan plis pase trant teren nan reyon an.



NENPÒT LÈ PANDAN ANE A W'AP JWENN BON ENSTALASYON
LWAZI - SOTI NAN PISIN PIBLIK NAN ENSTALASYON ESPÒTIF
AK SANT KOMINOTÈ.



Chwazi yon novo kay, bwote vini
isit la, ak jwenn yon travay ka difisil.
Nan **NYAGARA KANADA** w'ap jwenn
anpil èd ki pou fè eksperyans lan pi
fasil pou ou. Gen Sipò ki disponib
pandan tout pwosesis la, sa gen
ladan l imigrasyon, jwenn yon kay,
jwenn travay, aksè nan gouvènman
an ak sèvis kominotè, ak plis ankò.

IMIGRE ISIT LA

IMIGRE ISIT LA A: ANVAN OURIVE



Gouvènman Kanada a founi anpil sèvis gratis davans sou entènèt oswa an pèsòn pou ede ou prepare pou lavi nan Nyagara Kanada. Sit wèb Gouvènman Kanada a tou se yon kote ou ka ale pou jwenn enfòmasyon ki ajou sou dokiman w'ap bezwen.

Apre ou fin resevwa papye rezidans pèmanan ou yo epi si ou toujou ap viv andeyò Nyagara Kanada, sèvis anvan-arive ka ede ou:

- konprann lavi nan Kanada
- Jwenn yon travay nan Kanada, aksede a mache travay ak enfòmasyon
- Aprann sou langaj ak lòt konesans pou adapte a sosyete Kanadyen an
- Aprann sou sèvis règleman gratis ki disponib apre ou finn rive yo

OU KA ENSKRI POU KANTITE SÈVIS OU VLE SAN W PA PEYE ANYEN. SÈVIS KI KA ITIL YO ENKLI:

Access - Canadian Employment Connections bay sèvis sou entènèt pou ede nouvo elèv entènasyonal yo jwenn travay nan jeni, sèvis finansye, resous imen, teknoloji enfòmasyon ak lavant ak maketing.

Build ON ede prepare nouvo imigran pou travay nan metye yo kalifye nan Ontario.

Canadian Apprenticeship Forum founi sèvis sou entènèt pou ede nouvo yo fè preparasyon pou aprantisaj epi jwenn travay nan pwofesyon yo kalifye.

Planning for Canada Bay sèvis an pèsòn ak sou entènèt ak sesyon oryantasyon alavans pou klas ekonomik pou fanmi imigran yo.

PrepCan bay sèvis travay anvan-arive pou imigran ekonomik, konjen yo ak depandan granmoun yo, ansanm ak enfòmasyon sou mache travay la epi ede avèk CV w, entèvyou ak rechèch travay.

Pre-arrival Food Safety Management Training Program bay sèvis sou entènèt pou ede moun ki kalifye ak zouti ki nesesè pou travay nan endistri manje ak bwason.

Settlement.org bay wèbinè anvan arive, resous ak yon plan enstalasyon pèsonalize ki pou ede w kòmanse prepare w pou demenajman w Kanada.

**VIZITE SITWÈB GOUVÈNMAN KANADA
A POU JWENN LIS KONPLÈ SÈVIS ANVAN
ENSTALASYON YO.**





IMIGRE ISIT LA: POU ETABLILW

Premye jou w nan Nyagara Kanada ap trè chaje. Li enpòtan pou pran tan pou anrejistre pou tout pwogram yo epi prepare dokiman w ap bezwen yo. Nan premye jou ou yo, ou ta dwe:

- Vizite moun ki fè enstalasyon pou ede w nan sa ou bezwen fè yo, jwenn sèvis ki disponib ak koneksyon avèk kominate a
- Jwenn yon kote pou viv
- Aplike pou nimewo asirans sosyal
- Rankontre ak yon konseye pou travay pou kòmanse chache travay
- Aplike pou kat sante
- Jwenn yon kat vil la ak wout ki pou bekàn yo
- Ouvri yon kont bankè
- Jwenn yon doktè familyal
- Panse pran yon kou lang Anglè
- Enskri pitit ou lekòl
- Sèvis Timoun: jwenn swen pou timoun
- Jwenn yon bibliyotèk piblik ki tou pre lakay ou
- Aplike pou Lisans chofè nan Ontario
- Antre nan yon gwoup etno-kiltirèl ak gwoup lafwa
- Jwenn enfòmasyon sou dwa w
- Familyarize w ak lwa Kanadyen yo avek egzijans enpo sou revni





IMIGRE ISIT LA: POU ENSTALE

Moun ki fèk rive nan Nyagara Kanada pral jwenn anpil ajans ki bay sèvis enstalasyon ak òganizasyon k ap ede konekte ak moun nan kominate a.

Yon travayè nan sèvis enstalasyon se premye moun pou kontakte pou enfòmasyon ak sipò Travayè pou sèvis Enstalasyon yo ka ede w pou:

- Oryante w epi aprann sou nouvo kominate w la
- Bay enfòmasyon ak resous ki ajou
- Ede w pou ka kominike ak patwon, pwopriyetè, sèvis sosyal ak gouvènmann, sèvis legal ak plis ankò
- Ede ou nan ranpli fòm
- Bay sipò epi konekte w ak sèvis espesyalize pou ede avèk pwoblèm pèsonèl oswa sitiyasyon kritik
- Tradwi kèk dokiman ki gen rapò ak travay, sante, edikasyon ak zafè legal ki nesesè pou règleman imedya
- Konekte ou avèk yon entèprèt

Pa sèten ki kote pou kòmanse? make 211 nan telefòn ou. 211 se yon liy asistans pa telefòn pou enfòmasyon ak referans ak yon anyè sou entènèt pou jwenn sèvis kominotè, sèvis sosyal, ak sèvis sante nan Ontario ki gen gwo renome. Gen moun ki byen fòme pou reponn apèl ou yo sou liy 211 lan.



**SÈVIS YO DISPONIB NAN YON PAKÈT KOTE ATRAVÈ NYAGARA
KANADA, NAN ANGLÈ AK FRANSÈ. Gen anpil lòt lang ki disponib
tou pa mwayen anplwaye sèvis enstalasyon yo ki pale plizyè lang.**



IMIGRE ISIT LA: MIT KI KOMEN



MIT: MWEN VIN YON SITWAYEN KANADYEN LÈ MWEN MARYE AK YON KANADYEN

Marye ak yon sitwayen Kanadyen pa otomatikman ba ou sitwayènte Kanadyen. Si w ta remen vin yon sitwayen Kanadyen ou dwe swiv etap obligatwa yo

MIT: OU BEZWEN YON ÒF TRAVAY POU VINI NAN KANADA

Yon travay se youn nan fason yo, men gen lòt fason pou imigre Kanada tou. Ou ka aplike pou vini kòm yon vizitè, yon envestisè, yon elèv, yon travayè tanporè, oswa yon rezidan pèmanan

MIT: PWOGRAM IMIGRASYON W LAN LIMITE KOTE OU KA VIV NAN KANADA

Lè ou se yon rezidan pèmanan nan Kanada, ou ka viv ak travay nenpòt kote nan peyi a.

MIT: OU BEZWEN YON REPREZANTAN POU APLIKE POU IMIGRASYON KANADYEN

Ou pa bezwen yon reprezantan pou aplike pou imigrasyon Kanada. Anpil aplikan chwazi pou travay avèk yon ekspè ki ka revize dosye yo epi asire ke li konplè epi li gen pi bon chans pou yo aksepte aplikasyon an. Nan Kanada, men sèl moun ki otorize pou reprezante dosye w pou imigrasyon Kanadyen, apa de oumenm, se:

- Avoka ki sètifye ki nan bon pozisyon avèk asosyasyon bawo nan pwovens yo, ak
- Konsiltan ki anrejistre nan Konsèy Regilasyon Imigrasyon nan Kanada (ICCRC - Immigration Consultants of Canada Regulatory Council)



IMIGRE ISIT LA: KESYON KIKOMEN

KIJAN MWEN KA APLIKE POU IMIGRE NAN NYAGARA, KANADA?

Imigrasyon, Refijye ak Sitwayènte Kanada (Immigration, Refugees and Citizenship Canada, IRCC) etabli politik imigrasyon epi pran desizyon sou ki moun ki ka antre Kanada Vizite sit entènèt IRCC a pou aplike pou etidye, travay oswa imigre nan Kanada, aplike pou sitwayènte, yon kat rezidan pèmanan oswa pwoteksyon refijye.

KI EGZIJANS LANG POU SITWAYÈNTE KANADYEN?

Kanada gen 2 lang ofisyèl Anglè ak fransè. Ou dwe bay prèv kapasite w nan youn nan lang sa yo.

KI SA KI SE ANTRÉ EKSPRÈS?

Antre Eksprès (Express Entry, EE) se yon sistèm aplikasyon imigrasyon sou entènèt. Li pèmèt moun yo soumet yon pwofil epi wè si yo ka konsidere yo kòm yon imigran kalifye. Kandida ki gen pi wo classement yo jwenn envitasyon pou aplike pou rezidans pèmanan.

KI SA KI NAN SÈVIS ANVAN ARIVE YO?

Sèvis anvan arive yo se sèvis gratis sou entènèt oswa an pèsonn pou moun yo te apwouve pou imigre nan Kanada



POU JWENN REPOS POU KESYON YO POZE SOUVAN, VIZITE
WWW.SETTLEMENT.ORG.

YOUR HOME | YOUR FUTURE

NIAGARA

CANADA

POU PLIS ENFÒMASYON, VIZITE
welcomeniagaracanada.com